

սատու. Խաչելեան. վասն որոյ Հրամայեաց ածել զՍ. Եպիսկոպոսն առաջի իւր նոյնպէս և զմայր նորա Աննա, և յետ բազմադիմի հարցափորձի՝ արկ զնոսա՝ ի կարծրագոյն տանջանս, և ապա նահատակեաց նախ զԱննա և յետ նորա զԿիւրեղ⁽¹⁾. Ընդ սոսա կատարեցաւ և Աբդան, որ էր գլուխ Թովչաց իւրոց հաւատացեալ ի Քրիստոս, նոյնպէս բազումք ի հողմանս Ասորոյ։ Որպէս և ի քաղաքին Ասկաղոնացւոց և Գաղացւոց, և ի քաղաքս քաղաքս Պաղեստինացւոց՝ յորս բնակեալ էին բազումք ի քրիստոնէից, քահանայք, աշխարհականք, անտպատական միայնակեացք, և կանայք կուսակրօնք. քանզի կալեալ զբազումս ի նոցանէ նեղէին ազգի ազգի տանջանօք, և հերձեալ զսրովայնս նոցա արկանէին դարի իբրեւ ի մտուրս եւ արձակէին ի վերայ մարմնոյ նոցա զկինձս և զխոզս. Թող զոր արարին ի Կեսարիա և ի կողմանս Գալլիեացւոց։ Եւ ի Սերաստիա ետ բանալ Յուլիանոս զգերեզման սրբոյն Յովհաննու Մկրտչի, և զմիացորդս նշխարաց նորին արտաքս հանել և այրել հրով և զխոչին ցնդել յօդս։ Են որք ասեն թէ՝ չէր անդ մարմին սրբոյն, այլ կամեցեալ Յուլիանոսի կատարել զկամս իւր՝ ետ հանել զայլ ոսկերս հաւատացելոց, որք մերձ կային Սրբոյ տապանին, զորս խառնեալ ընդ ոսկերս շանց, այրեցին եւ հողմով հոսեցին։ Եւ ետ կործանել զպղնձի սլաակերս Քրիստոսի ի Փիլիպպեայ Կեսարիա, որպէս գրեցաք յառաջագոյն։ Չտային ինչ յագուրդ չարիքն խտացեալ սրտի նորա՝ զոր ած ի վերայ հաւատացելոց յԱնտիօք և ի Պաղեստին, և առ զայրոյթ չարութեան իւրոյ, ի մեկնիլն ի Պարսս կոյս՝ մեծամեծս սպառնայր Քրիստոնէից, և պատուէր ետ շինել ամփիթէադրոն մեծ յերուսաղէմ, զի ի դարձին իւրում ի գազանամարտ մատուցէ զեպիսկոպոսունս, զքահանայս, զկրօնաւորս, եւ զամենայն նազովբեցիս։ Եւ ինքն զոհիւք եւ ըղձութեամբ դիմեաց հասանիլ ի Տիգրոն, ուր և սատակեցաւ ի սպատերազմին,

(1) Ի դարձին ի Բեթանիայ յերուսաղէմ, ի ճանապարհին, ուր Տէրն զԹղենին ցամաքեցցոյ, ցուցանեն զվէմն յորոյ վերայ հասեալ իյնն զձեռն Ս. Կիւրղի, և մերձ նոյն տեղւոյ ցուցանեն զգերեզման սրբոյն, և մօր նորա Աննայի։ Տեղագիր Նիկիոյի Էպիսկոպոսի Առեւելոսեայ։